






温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

上先字衍

禮門詩文集叙

管錢古坤廣文稱樂清林禮門徐聘堂兩公為神仙中人蓋以其  
多文為富傳業有人也兩公皆有名子一為恆軒明經一為溥士  
拔貢皆能擴其父之業而光大之顧明經有求是齋集垂涕集已  
刊行拔貢有小酉山房集寫本而其父之遺著可傳者徐公以梅  
花百詠聞林公於樂清新志後議外未之多見近趙君益卿以友  
人家藏寫本見示有公所作詩四十六首予又於陳趙兩家譜得  
先公所為文五篇益以友人抄本茶話軒詩叙陳春堤先生小傳  
二篇既觀陳虛石明經所為林禮門傳得悉公於古文詞外尤以  
詩名最後乃向高陽林氏宗譜檢得文六篇為記為譜例為傳為  
引為行狀另催林氏子姓錄之於是彙為一冊稱曰禮門詩文集  
而虛石明經稱公著有讀書野說及歷朝世系表凡數萬言於詩

下漏日字

著

有燕石集爨下吟總二千首而予皆未之見迨茲集編定忽於友  
人處得水田吟草一冊蓋公之裔孫翌璜君所藏本也翌璜君以  
先人秘冊欲自繕錄之卒未就至林氏譜有辨訛存疑兩篇文甚  
長其子姓慮族系之不能取信不予鈔錄而茲所采各篇又以原  
譜多訛字無從訂正姑闕其疑樂清新老後議見於玉海樓藏鄉  
賢遺書中而温州經籍志未及采采予念公以耆年碩學哲嗣傳  
經而著述之可采者止此而所謂讀書野說燕石集諸作又遍搜  
而不獲今叙茲集而不禁深為長者悲焉乙亥十一月高誼撰

林禮門傳

陳屋石

公諱啟亨字剛中號禮門惠益公仲嗣也少嗜學嘗從胡象川先生遊象川先生者永名宿門弟子著錄如林而尤器重公既芸臺侍郎校士至郡拔公入邑庠時海氛不靖科試策以弭盜問公策中機要以優等食餼後侍郎撫浙檄行保甲事用公策也公屢躋秋闈以明經終初邑中

海田多寫鹵自惠益公倡修盤石西盤諸斗門建竹寨芟不惜重貲由是易瘠為沃

蒙其利公繼之法加詳又修官道八百丈有奇斗門三所使司闡者任其事早潦益有備每歲冬必戒之曰水不儲來春若旱奈何而啟閑惟謹終公之世無少懈邑侯琴友楊公聞之旌其閭曰世利三農研樵王公手書褒美稱為老而好義云邑西有製蠶炭者其物料群取諸海舟過斗門啟閑不以時潮水溢輒為患公訟

系漏表字


之官已示禁猶特強相抗公徐思不之較人尤服其識量公接人  
嚴里中危帽散衣輩望而歛跡中年主講席不徒以括帖為事督  
生徒必以禮衣冠整飭晡後侍席側少長秩然未嘗有惰容又精  
岐黃術診視即獲效人以秘方請者踵相接公一一酬之如所望  
而去公肆力古文詞而尤以詩名所著燕石集爨下吟詩幾二千  
首外如讀書野說曆朝世系亦數萬言無錫詩人賈為隨園  
弟子聞其名贈以詩詫為清才真南游幕至邑以菊影詩  
徵和作者無慮數百人而勝元唱公家富書籍度藏二十  
四史丹黃悉徧矣朽蟬斷中得寸楮親自葺補積久成卷帙晚  
年目力轉勝終日坐小龕寫書不輟其精勤處雖古之向巨達沈  
麟士不是過也公錫慶先生工制義每謁公留之劇談歷舉前  
明及國朝諸老標新領異往往為選家所未及嗣君恒軒設教近

里公時策杖至其館小門生輒雁登立凡前言徃行可以備鑒誠  
 者諄諄指示日移晷猶未已以咸豐丙辰八月十一日考終時年  
 八十有五矣公嘗置生壙七旬自壽詩云墳園築就碧山幽檢點  
 浮生任去留人以為達觀焉元配董太安人明經董新城先生胞  
 姊有賢行先公卒子一諱大椿號恒軒極博洽己未歲貢後公七  
 年卒邑拔貢生徐德元為立傳孫一亦能以文世其家女一適荷  
 盛村武學生鄭應騏甥孫三俱入庠坤與嗣君恒軒交公之  
 為人耳熟能詳今公令孫壻鄭君協寅狀示坤撰次之餘尤  
 覺其不謬云

浙  
 卷二  
 文獻通考  
 卷之七  
 文獻通考  
 卷之七  
 文獻通考  
 卷之七

六

Faint, illegible text on a green grid background, likely bleed-through from the reverse side of the page.



温州市图书馆

WENZHOU LIBRARY

禮門文彙

同譜各村都里形勝記

樂清禮門林啟亨著


雙坟村隸縣西長安鄉為六都地在縣城東南二十五里東距海  
 里餘有三巔山錯峙海墀其北有沙角山遷迤南行分為左右二  
 支主山居中不甚突兀明湖廣沔陽景陵訓導署縣事諱茂春鳳  
 舉公墓在焉山麓有寺曰望雲菴相傳即鳳舉公墓舍改建左支  
 東南行半里許中通小嶺達二都沙頭村土名雙坟坳嶺西有薛  
 家井嶺南復突起一山類半月形橫亘村東其東處有鳳山廟雙  
 坟高垺兩社合建稍西即雙坟村屋舍綿互錯落不甚稠密其南  
 有小宗祠乾隆辛卯右榜舉人鑑齋韜公之祖所建祠前有月池  
 繚以石欄祠與其住屋毗連右支西南行經山根村之北復折而

西特起一小峰為高垱主山薛家井西北隅有二墓譜載双望之  
韉之鞆二公同葬於此後人因以双坟名其里今其墓址尚約畧  
可辨也高垱亦隸長安鄉為五都地始祖元華公諱徽康自元末  
從双坟遷此東隔一河距双坟里許舊名西垱以双坟之所指名  
也其地北東兩方隔河北河至上河頭村而止中架木橋達二都  
等處隔河東北有山曰外山頭頂圓淨平正兩翼均稱類削成無  
尖銳欹側狀形家云太陽金星落脉為高垱主山山之北腹有岩  
狀如椀樓其龍脉穿水過峽東南行離河數丈又起一小山形如  
卧鼠尾東延近河俗名老鼠岩載堪輿家地鈴書有禾鼠入田垱  
奕世子孫昌之語然山勢平行高止三四尺雖有岩石無崦嵫狀  
今其地為吾家購置建屋其上先君子于東北隅開浚一井東北  
有石橋達沙頭村東亦有石橋達翁陽等處南半里許界河有橋

三間曰蘇郎橋村右有馬路為東南沿海一帶入邑要衝又西有  
坵垵橋達七里埠先君子于嘉慶丁巳年倡捐重建村落有大路  
東西橫亘為往來通衢然高垵本今門前不知其何以更也其丈  
策曰稱高又宗譜有女適高垵陳姓字樣可証也今則改西垵為  
高垵指稱既久四遠知遠蓋不可反其朔矣離縣城亦二十有五  
里平坑在永邑四十都地隸永甯鄉由白石取道登山踰下馬嶺  
過玉甌峰麓抵赤水垵滴水嶺踰桐嶺險峻下嶺向正北方沿溪  
曲折行二里許始至其處在深山中兩山夾峙如隘巷屋舍夾兩  
岸中通小溪夜卧枕畔水聲潺潺然可聽也僻處山谷無平曠處  
唯初入境有山田大率高低如梯級又零星不成坵段林谷深邃  
山勢嵯峨辰刻始見日居室東向其地民風尚樸實淳厚無賭博  
攘竊事男女服飾儉素不知外間有華麗習至其地者有武陵桃

源之想西有路達柵溪都有峙口高坡潮滌等村在樂清縣城西  
 南三十餘里白鷺嶼本山名有小山在村北因名焉東二里為高  
 畚村又東至十里白象南距館頭埠二里許在縣城西南五十里  
 其地面河而居河西至麥埭而止約半里許蓋運河支流斷澹也  
 西鄉樵採者從西北溪澗運薪必抵麥埭過船西達烏牛浦處商  
 西鄉糶運食谷亦必至其處交替西南距鄧公橋在烏牛浦口二  
 里西北達永邑新橋埭頭象浦山谷各村橫春江即館頭江在其  
 南西北皆大山南對館頭山西址東有高畚山明尚書高襄簡公  
 墓祠在焉入境水道有二一從東來由沙門經高畚村至其處一  
 從南來入焉隸茗嶼鄉十二都地里隆為縣西極南地枕臨海筮  
 甌山遠當其前東枕七里陡門今廢陡外一箭地即七里大埭陡  
 之東即七里村地七里為西鄉名區族人有所居其地者其水道

從白岩頭支河西南行曲折達其處東距七里埠二里航船上  
下適經其前可坐而觀東距黃花関五里有奇西距洋田有洋臺南  
望隔江永嘉場茅竹嶺龍灣諸山近羅几席潮汐往來帆檣轉側  
于洪波巨浪中皆習見之事誠偉觀也村人率務海業七都地隸  
長安鄉柳市為西鄉巨鎮不復贅山前在栗木嶺下其地枕山而  
居有何葉林三族前臨小河水陸均為東南入邑要衝



温州市图书馆

WENZHOU LIBRARY

增訂凡例

一宗譜關係至重即農愚亦知寶貴第恐存貯有疎易致霉蠹殘缺各地族中須慎擇殷實之家兼有德有名者掌之另置木箱收藏謹密每年夏季出而曝之須供奉方几上不可以竹簾置之平地庶免穢觸之弊

一查閱宗譜必有重大緊要情事方許請之族中老成潔手取出公同查檢既畢即宜安入原處萬不可輕易繙閱時同兒戲以致褻瀆祖宗

一吾族子始姓繁衍散處永樂瑞平四邑地隔情疎為屢經兵燹之後舊譜未免散軼以致各立譜牒勢難復求聯合嘉慶戊午第就近地從前本同係同宗通譜者脩葺之析為五地計五本派各執一其世系五譜畫一以便查攷不獨無須往返仰息他

人即令日久存失不一不致有散軼無徵之患今循舊規復脩  
五本從先人之志也

一 乾隆丁亥譜世系遷提闔族混同殊難查檢戊午譜延高氏脩  
葺先君子示以同源異派之旨析歸各地自為起訖提明各派  
始祖五世一遷九世再遷以下世系准此推之今特遵其成法  
庶便查攷

一 永邑林山篁潭高坡及瑞邑諸派雖屬同宗其如各地已經另  
立譜牒自為行輩戊午譜既存其前之世系以昭一本同源之  
義足矣今又仍而錄之未免兩無裨益特汰之以省楮墨

一 舊譜各序文義踏駁瑕瑜不掩雖其人名重當時如此筆墨似  
不足增光吾族特刪潤之以成完璧  
一 宗譜原取徵信後人第其間世系未免舛錯序文不無紕謬特

為論次分為辨訛存疑兩門以備後人攷覽

一歷朝所受誥命原有其文因其散軼補之以光家乘未始不可  
然砒砒可以混玉魚目又焉能混珠戍午譜所存計若干首其  
文理浮泛兼之荒謬者觸目皆是而且時事顛倒人名訛舛者  
不而足所署紀元年分一往錯誤此皆不讀書人偽撰置之譜  
首反增慚恧悉為訂正庶免貽笑大方初擬剛之恐無以塞庸  
愚之口因另撰若干則以遵舊規不得已也識者諒之

一節孝係人倫大端窮鄉娶婦草野齊民旌表既所不及邑志難  
免遺漏湮沒勿彰遂致無攷深可慨也茲族中有孀居守志事  
親盡孝必紀其行畧其卓然可傳者必為立傳庶發幽光幽冥  
啣感

一節婦孝子已經旌表或已採入郡邑志者仍詳記之庶以昭示

後人增光宗族

一宗譜即家史也史善惡並書以垂勸戒宗譜則如邑志倒稱善不稱惡茲於族中有急公仗義行誼表著者必為立傳或厚德播於鄉里亦總其行畧即一節之善在所必錄亦善善從長之意其餘不敢濫及然彼此相形妍媸自見亦足以寓戒相勸矣一字號引不知所自仿近時習尚偽為美觀然大率詞多溢美事屬浮文甚無謂也老譜所載概不再登以卷帙浩繁新舊並錄未免費手茲特就其近時名流所摘者錄存之以備一休

一宗譜世系由本而及支溯流而尋源嫡派真傳瞭然可考非我族類理宜黜之恪遵定例異姓亂宗之禁然習俗相沿安之已久豈能遮草茲仍舊譜必相於其人名下註明某姓入繼字樣庶牛馬呂羸不致混淆無稽

一先世列祖有躋官登科甲第及後之舉貢生監之屬曾邀一命之榮者皆殊書名諱以別士庶且便查檢

一宗譜所以辨親疎序昭穆本支相沿百世不易俗率以二三人分手騰繕筆跡既異將來何以隨意添註何從微信殊非慎重之道茲特以騰繕專責之一人雖析為五譜而書法出之一手以杜日後私填之弊

一宗譜舊例庶子雖年長必綴於嫡子之後所以嚴嫡庶之辨也第戊午譜雖引舊譜凡例其於世系亦不盡然緣隨報錄入不能盡遵也要之嫡庶之分名次不因先後遵照舊例似可不必一舊譜所載

始祖比干公以後迄唐後五季止計共一百零六世世系源流雖有可稽第其間所紀官階時代不合者不一而足特詳加訂正

庶免荒陋之譏

一先世世居閩之長溪赤岸五季時清之公始遷甌之平陽世遠年湮其發祥之地故址久矣無攷康熙壬子譜有隻望誌一篇目存文軼殊為可惜茲特仿其意作同譜都里形勝記詳叙各派居址地畧形勢祇恐落桑無定後人或可執譜而稽識者幸勿哂其蛇足可也

一宗譜以宗實公諱守信為遷樂始祖攷世系所紀坟墓世定公墓在呂岙西山其兄世項公墓墓長林花基守信二公兄弟附厝父墓下左右守信文公後二世士鎮逸民二公父子俱葬館頭山均屬樂地據此則先君子以世定公為遷樂始祖不為無見見譜序茲姑仍舊譜不便改正因論次及之以俟後人酌定

一清之公以下至守文公止六世守文公傳止傳五世其世系已

不可攷其宗實公以後世系雖云詳志第攷舊譜各序中其叙

世次每多不協其中難免闕畧茲特仍舊譜錄而存之

一呂忝西山太祖墓三所先君子會眾創置祀田輪流收租出息

以為各派子孫值年備辦祭掃之費其祭器品物載明租簿以

便遵照備辦不許過於菲薄以致褻瀆

祖宗如違會眾議罰不許寬縱祭掃之日不交糧串罰銅錢八百

文

一先世坟墓理應詳記生卒亦宜并書然亦止就其家所知者記

之其本家先年遺失無從查考者概從闕如

一男女婚嫁必詳書娶某氏適某姓蓋婦關宗祀女重門楣不可

忽也况姻親所繫情誼因之而見記之庶免疏遠遺忘之恨

一舊譜所錄先正格言後人果能循閱持循未為無益第如賭博之害好訟之禍不至於破產傾家不止尤宜痛切示戒茲特錄唐六如先生戒賭歌及前人之戒訟者附於其後閱者觸目知警兼以示人其於吾族風俗不無少補

一戊午譜既分五本五地連環告竣之日編次字號以仁義禮智

信五字聯屬之庶日後不致有增減之弊仁字字双坂義字號高

洋禮字號平坑柳市智字號白鷺岫山前信字號里隆上橋楊

吞各照所屬字號存執今仍之不敢另編字號免致新舊兩譜

彼此不符

牖

醉泉公小像讚

讀離騷飲美酒名士風流未曾有  
 科頭兀坐神怡然豐姿濯濯三  
 春柳蠻爭弱鬥兩相忘傲骨幽懷誰為偶  
 靜中佳趣清且閑書卷  
 壺觴常在手案上圖書砌下花古意奇香自消受  
 不是漆園莊叟辟塵鷲而寂處闢日月為高牖  
 人稱為蘭之同心  
 我指為菊之好友持此語以質君應輟然而點首

溫

飲

Faint vertical text columns on the left side of the page, likely bleed-through from the reverse side of the paper.



温州市图书馆

WENZHOU LIBRARY

和齋公疏引

處世之道以和為貴其所裨者廣也吾見世之暴急者矣在家遜  
則詒諍時聞居鄉黨則睚眦屢見甚至一言不合即裂眦怒目攘  
臂而前不可阻止由是乖戾之聲播于庭遠近其不和之弊遂至  
于操干戈對簿公庭釀成禍變卒莫可方物以是知和之果為貴  
也堂兄啟教字大誥姓寬厚與物無忤平日督耕而外與其儕偶  
笑語怡然或詢以事輒曰唯唯里有雀角爭惟置身局外人固未  
嘗以是非白彼亦不屑曉曉焉辨其孰為是孰為非也其言也彼  
既不和以至於爭孰不以己為直以人為曲乎我又從而曲直之  
是益之爭也是不如其已乎其從弟禮門聞之曰是蓋即得於和  
光同塵之教者盍號之曰和齋

Faint vertical columns of text, likely bleed-through from the reverse side of the page. The text is arranged in approximately 15 columns and 25 rows within a green grid.


温州市图书馆

WENZHOU LIBRARY

恒軒公號引

夫子曰得見有恆者斯可矣知人之成德砥行立名小之一技一  
藝斷非作輟不常者所能望其有成夫天之降材厥有恆性其篤  
而培之者在人之能恆耳豈有他哉里隆族曾祖秀培字篤材性  
明敏少嘗讀書後棄去習醫以術濟人尤善幼科容有語之者曰  
子之術曷為而能是也公曰我專心致志寢食以之不敢懈也因  
是頗有得於吾心由我之未嘗稍弛其功也傳曰人而無恆不可  
以作巫醫子紹深佩斯言耳容曰是亦能恆其德之一端也知無  
有承之以羞者矣蓋舉之以為引而號之曰恒軒

Faint, illegible text on a grid background, likely bleed-through from the reverse side of the page.



温州市图书馆

WENZHOU LIBRARY

魁 德 德  
商 漁

廬 亂 寇

宰 竹

先考惠齋府君行狀

高埜林氏明初徽康公始自双坂遷此其後世有隱法十一傳至  
 春華公諱世呂生明萬曆癸丑性仁厚恆為佐於鄉里順治中巨  
 寇橫海上陳文達為之魁執商販燒鍊烙膚責贖金復又掠澳戶  
 令執富人將按名以索公與焉有双坂族某先為賊所得善操舟  
 其渠寵任之聞及公名力辨其謬信之登岸焚劫其為賊所執者  
 受慘酷或破產或死公以無名得免心德之後奉旨徙居民內地  
 公棄田廬携家避亂深山寇熄返故土恢復舊業其先陷賊中者  
 亦釋公歸公即割股田若干畝以酌人兩賢之德煒公諱奕斗當  
 春華公入山時甫週齡置行器中肩之而行迨歸年甫成童長而  
 謹愿克守家訓未有子禱於瑞邑聖井許真君祠生文宰公諱秀  
 迪號卓菴故小名長求文宰公生四子伯範仲籌叔諱乘即先祖

也季舟例奇生先祖一諱萊字商泉號知幾乘蓋庠名有至性以  
 孝友福襟懷恬淡潔已自好少嗜學文高雅如其人督學東長鄧  
 公諱鍾岳山東人康熙辛丑狀元拔入邑庠生先府君一人澤被  
 當時功傳來許亨不肖敢不謹述其行誼以昭示後人府君諱興  
 運字時泰號惠齋又以善醫別號杏圃生有殊姿器宇雄偉語音  
 洪亮少自義氣敢任事有濟世之志先祖鍾愛之不甚嚴為督課  
 府君顧刻苦自勵力學不倦然應童試輒不利年三十始入邑庠  
 時先祖年逾五旬即屏去冗俗府君遂輟舉子業援例首成均紀  
 理家政一遵成軌無所營求置產不窺腴羨歛租不却秕粟輕薄  
 者撫為口號揶揄之不顧也時有高洋有之名樂俗以粟之秕者  
為有讀如喊字書無此字里俗諺字  
 方言如此先是里有叔侄爭屋舍者叔悍而侄懦無柰叔何至詬  
 評累日不解鄉父老為調停叔持之益堅侄乃升屋呼天叔轉終

亂

壞  
淡

憤

與轉意府君請於先祖翁平居素不欲預外事茲至戚相殘勢鬪  
 闕而傷必訟非細故翁盍為決之先祖躋其言笑曰爾其識之予  
 曷為而默隨呼兩造至折以理叔俯首無辭而爭以止時公甫成  
 童也其器識已如此樂西鄉背山面海土瘠民貧舊邑志有竭力  
 稼穡僅支一歲之語府君起而瘠土變為沃壤一年豐稔可支三  
 歲厥功甚偉初邑被兵燹隄防斗門悉遭盜決迨亂平良有司非  
 不次第修輯然未能盡復也康熙庚寅邑侯陳公諱大年楚黃人  
 由舉人知縣事大興水利民困以甦嗣後漸弛隄隄壞沒洩而鹹  
 入沿海各都以故恆多歉被其害者且二十餘年府君慨然憫之  
 激於義憤邀士民具牒臚各隄閘夫不法狀官善其言逮治其尤  
 無狀者當是時亮船由隄進出糾放之勢方張積為民害官莫能  
 制沿海居民一呼響應志力捍禦至毀舟七艘勢遂大沮不敢復

肆而隄防之蓄洩始以時旱澇得無患後歷任官廉知公義率委  
 任不疑由是西鄉屢稔民被其澤迄今感頌其事畧見新邑志水  
 利門不復贅殺之日遐途嘆息惜祭期赴吊者絡繹於道其德澤  
 入人之深蓋如此初未嘗習醫大兄週齡患痘癢塌中死法延幼  
 科治束手啼不已測為渴私飲之以水即熟寐痘復起旋愈因慨  
 然曰為人子者不可不知醫為人父者何独不然且精此亦足以  
 濟人因研究方書遂以醫名噪一時嘗治一疫症未即效病家信  
 巫議祈禳公忿然力阻之曰爾負我且不擾爾一杯水鬼何覬覦  
 也卒治之而愈又嘗治一人入門病者昏曠中聞床下人語曰某  
 公至矣蓋速遁遂寂然投劑霍然而已又有少婦病越月更數醫  
 無效延診曰妊也勿藥有喜弥月果舉一子其脉理精驗類如此  
 乾隆某年邑採買常平吏役假虎威下鄉滋為民擾公屹然不為

鞠

據

循

狀  
鞠

闔

撈

所撓邀其戚友樸泉鄭丈赴郡申理郡委永瑞令會鞠鄭辨晰侃  
 侃辭旨朗暢府君則操土音隨問而答二令相顧而笑曰忠厚長  
 者攝例並直之嘉慶四年左都御史劉雲房公諱權之某州人五  
 年後遷吏尚疏請常平宜鄰縣採買以杜宿弊詔允其奏至十五  
 年冬邑侯宋聽吏役言循舊例次第發價勢炭炭復挾諸後輩其  
 牒郡侯劉吏役違詔狀委鞠又得直當是時城鄉各殷戶及小康  
 之家并下戶之零星受制者輒喘喘馬束手仰息於蠹胥至是一  
 時如釋重負其不畏強禦為闔邑之所倚重者又如此鄭姓邑西  
 鉅族也富而庶其始祖墓在柳市東北隔河山麓柳市橋東下三  
 十餘丈地五水交匯前明有卓景檀者官知縣於中流築土阜以  
 捍眾流里人名為阜公墩其故址久湮其地有陳某者邑庠生議  
 復築之督運土石有傭作撈石鄭氏祖塋側鄭知之闔族大譁以

緩 爭

石 邨

辭

緩基控邑陳大窘窘浼我族之居其地者馬公為緩頰笑曰吾素  
 不預人訟事無已試言之遂抵象山僧寺邀鄭族之負重望為之  
 陳說利害眾口曉曉未即允府君執然曰公等石也則鄭耳勝之  
 不武脫事有反覆柰何得勿悔乎鄭眾聞言咸動色相顧曰公言  
 是也乃為區處皆悅事乃寢陳因擴其址公又為至鄭族代捐多  
 金建祠祀文帝且為延師課讀地陳感甚為位祀於其中未幾鄭  
 族先後中榜舉人三柳市一村不二稔增置腴田五千餘畝堪輿  
 家言祠之建兩下利均則公之力也非直勸息訟為之造福耳性  
 剛直無阿嘗赴郡附盤石渡眾望集呼開船水手以武弁某老爺  
 方飲酒須俟之府君怒曰潮非官物也第開彼如有言以我辭其  
 人旋至此之頓首謝眾咸為咋舌人有非斥之無諱然其接人又  
 和易可親言辭溫雅未嘗忤人有踵門來訴者曰我言如此彼乃

嘗我公笑曰言是而聲色厲亦足以忤人必言之舛乎動必以禮  
雖燕私必正襟危坐纖悉必謹見一器一物位置敬側輒為正之  
遇販夫臧獲率以禮待之與絮語家常事無忤也嘗有富室聘療  
病其膳呼輿夫同席主人不敢輿夫亦瑟縮而却府君正色曰貴  
賤之分自有在無傷也人皆服其雅量觀強梁輒義形於色宋始  
祖世定公墓在呂吞之西山二世祖文信二公附厝其下如品字  
式世湮遠墓及山地率為他族有府君稽故牒議復之其人預取  
他墓誌置其處將據墓以爭山地府君初不知偕双坟族弟鑑齋  
詣之其人至指墓誌為証即昇視其誌笑曰偽耳地草青新移置  
者其人目瞪語塞墓遂復且盡返其侵地乃大合族延名宿修葺  
大宗譜牒析為五派先是賃其隙壤置祀田至是作祭田記載諸  
卷首以垂久遠由是輪年祭掃祖宗得無餒里有義舉傾囊不吝

歲飢平價出糶未嘗吝奇兩疏近遠河道斃道繕梁諸工作每倡  
率又倡捐多金重建王家隄在地團人至今德之雅不佞佛近村  
社廟春秋報賽外少所祈請嘗自言我平日不諂鬼神然敬鬼神  
莫我若也人詣廟少憇坐門闕面恆外向我必內懼其褻也德量  
過人里有惡徒素侮公率不之較甚至登門詬詈惟笑謝之無愠  
色鍛別人倫驗如著蔡有從予兄弟二人方童年決其必敗富室  
子某少不羈公見之曰英物也馬蹄齧必善走惜無御之者又某  
以蓄甜暴致千金人疇之羨之後識其人於途歸語人曰彼金亦  
暫得耳後皆如其言先祖嘗言讀書當養其喜神則天機日深智  
慧自啟如戚戚終日是桎梏其朝廷呬唔無益也故府君恒舉之  
以訓諸子尊師重傳禮意優渥文士登門款接不暇調恤寒暖未  
嘗少吝任大事無難色聞一日先舅父陳公過訪諱景良邑庠生

哀

設辭

學

覺

辭

值夏夜納涼戶外先祖曰今夜三人適有聖人可儼雖人品懸殊  
 病其不倫然意趣絕相類因指鬣又曰爾和易與物無忤其柳下  
 惠乎自指曰我厭煩俗只辦得一清字其伯夷乎末指府君曰彼  
 伊尹也志圖救濟遇敢為不少諉語畢皆唯唯不敢對迄今溯府  
 君行誼總不離字任之一字知子莫若父不信然乎筋力老而不  
 衰年逾六旬猶徒步陟隄遠屆七旬諸親串謀製錦以祝力辭之  
 曰文非其人實耻之文人好為謏辭吾不受曰因携不肖赴郡游  
 覽諸名勝登孤嶼及瑞之仙岩踰旬而返曰此游吾以自壽矣郡  
 學師擬舉鄉大賓不就嘉慶廿一年丙子壽七十有七冬季曝日  
 庭下忽自語曰昔夢卓菴公謂吾壽且九旬今自覺衰邁僅與爾  
 祖母等耳蓋先祖母卒年七十有八時以為謾語至次年三月中  
 旬忽邁疾自藥無効漸危篤四弟啟清侍榻前因曰翁事殊未了

豈遽舍兒輩去乎府君厲声曰人盡能如而父乎我何未了哉絕  
不及家事一語第曰諸孫幸各能讀書惜我不及見耳諸兄弟欲  
延請名醫堅不許曰虽盧扁其如我何亟市人葠餌之曰勿須爾  
存金資喪事費可也進則却之子及婦環榻泣請不得已啜訖曰  
浪費可惜自此不復食以薄餌進又却之曰死候必如是胃氣已  
絕何食之能下逾日脯時遂考終正寢距生于乾隆庚申正月廿  
四日未時卒于嘉慶廿二年三月廿八日酉時享壽七十有八疾  
革神識不亂屢詢晷刻答以申酉之交即呼曰我内逼亟扶掖之  
起如踰己反席未安而歿亨等五内崩裂恨难身代抱憾終天曷  
其有極時從叔帝鄉亦在榻前收淚而言曰爾父一生持正必不  
屑少留不潔以終非偶然者且預尅卒年異矣先妣元配陳氏孺  
人與府君同庚生七月三十日亥時卒甲辰四月初七日辰時享

年四十有五四子長啟敬試名啟統嘉慶甲戌歲貢生娶錢氏側

室金氏俱卒次即不孝亨庚辰歲貢後改恩貢娶董氏次啟樂操

家政輟讀娶鄭氏卒不續次啟清郡庠生卒娶周氏繼娶朱氏又

繼陳氏現存繼配先妣南氏生乾隆己巳六月廿一日辰時卒嘉

慶戊寅三月廿六日巳時以疾終于內寢享壽七十卒前三日自

言夢府君促之去果不起亦異事也一子啟楨試名錦如郡庠生

娶鄭氏舉鄉介賓俱女三先妣陳氏出長適石馬庠生張誠次適

荷盛鄭奇寶俱卒三適永邑三十六都黃兆藻男孫一十三人宏

志娶縣城蔡氏未名宏鉅試名大鍾以府冠軍入邑庠娶三嶼湯

氏繼監盤王氏敬出宏訓試名大椿郡廩生娶縣城浦邊徐氏亨

出宏熹試名泮光郡庠生娶三嶼湯氏宏坦娶荷盛鄭氏樂出宏

鎰娶岐頭朱氏宏錕未名娶西京虞氏清出宏樸試名大滋邑庠

宏錕未名娶西京虞氏清出宏樸試名大滋邑庠

傳

傳	隆	疾	分	借	出	章	生	雲	錢	祿	生
奇	丁	外	守	貸	一	政	陳	揮	氏	宏	娶
至	酉	惟	已	未	俱	章	乾	試	出	銳	東
駭	酉	以	為	嘗	幼	木	順	名	一	俱	坪
聚	桶	書	先	責	先	幼	甫	樹	適	幼	鄭
一	居	史	府	取	祖	錫	聘	荆	荷	業	氏
折	室	自	君	而	廉	出	楨	<small>清</small>	盛	儒	宏
翻	一	娛	則	自	靜	章	出一	妻	庠	楨	典
然	區	閒	志	無	寡	然	幼	周	生	出	未
曰	至	作	存	不	營	幼	鍾	氏	鄭	女	名
熱	嘉	小	利	償	亦	錫	出	出	昌	孫	娶
鬧	慶	詩	濟	者	善	出	曾	次	多	七	長
場	癸	不	見	其	知	孫	孫	三	試	人	林
收	亥	存	義	家	人	女	炳	幼	名	一	倪
罷	又	稿	必	法	一	熹	章	陳	應	適	氏
鼓	增	性	為	大	見	出	烺	氏	騏	縣	宏
古	繕	儉	中	率	即	二	方	出	亨	城	篤
今	其	約	歲	以	能	坦	就	樂	出	下	娶
有	二	服	自	肅	別	出	外	一	適	洋	菊
幾	嘗	御	經	內	誠	一	傳	適	西	郭	坪
遂	覽	不	水	外	偽	樸	章	尚	京	徐	陳
屏	笠	殊	利	務	平	出	煜	家	庠	佳	氏
去	筍	寒	應	勤	日	一	幻	坪	生	琮	宏
家	比	素	聘	儉	有	訓	熹	監	徐	敬	第
事	目	乾	治	安	所		出		妻	妻	宏

不復與聞謹狀

禮門氏號引

予少時自號芝園既病其未脫俗擬易之不果耳年逾四旬自維  
半生貿貿微獨此方寸地多所障即五官之為用亦蒙之焉如墮  
雲霧中因自號蒙軒蒙者昧也言於事無所不昧也作蒙軒說歷  
述其蒙之狀自謂肖矣得其真矣某歲郡城倪先生紹林設帳近  
里趙氏偶謁之談次以號詢謬應之曰無有也先生曰聞君素以  
禮自持固今之守禮君子也君亨名亨者嘉之會也嘉會足以合  
禮錫以禮門不亦宜乎時予聞之色然而心跼蹐不安移時始定  
曰有是哉公之規我也欲鄙人顧而思義乎平生雖不敢蕩檢蔑  
禮第目穠纖則不敢却耳淫則不能避口所宣未悉出於正身

禮當作札是當作之  
諛

所行未盡循乎孰非以禮自律將終身入於非禮耳命之矣其敢  
以規為嗔耶不然義路也禮門也子輿氏所稱固聖賢之事公豈  
妄以至不倫者儼鄙人哉余今老矣親朋書禮往還本署以是  
為其文詞諛而語泛譽之不如其毀之也爰自書其緣起為引

溫州府

鍾

平坑派平溪公號引

桐嶺為永樂接壤之區嶺峻拔高入霄漢路崎嶇難行其北麓有地曰平坑余族世居於此馬道光壬辰冬余嘗以修葺宗譜造其地其人性情大率多剛勁言詞峭厲少和平之意余曰地以平名何其俗之不平也遂與族曾祖際文公接見則大有儒雅之風焉心竊異之公少讀書不求進取習星命堪輿岐黃之學鄉里有事輒平心以處之其行誼雖平平無奇第其意坦夷如康莊如止水不致有陰巖而躓迅激而弱者且能以己之平而平人之不平是公之居此殆亦此地山川秀氣之所鍾者耶因舉以號之曰平溪

士如公號引

所貴乎士者能通曉大義遇所當為即毅然身任之而不辭此始  
無愧於豪傑之士也然吾見今之為士者矣齷齪鄙吝錙銖是較  
鄉有義舉一毛不拔此雖名為士其如士者安在哉鷺嶼族祖方  
傑名少業農性敦厚雖習於耕稼而通曉大義里有善舉即竭力  
贊勸不敢後其尤難者莫如獨為捐金取贖族譜一事是雖農也  
其志量有士所不能及者人曰公之行如士我則曰士能如公則  
真士矣然則公以傑名則誠農民中之傑出而遠過於士者因錫  
以鴻號曰士如

商

陳春堤茶話軒詩集序



昔人云得一知己可以不憾士之樂有知己也如此然古來才人  
著作多湮沒失傳是其平生豈盡無知己哉然則知之於當時固  
不如傳之於後世也吾師陳春堤先生少負雋才未冠籍於庠名  
重一時秋闈屢蹶壯歲膺拔萃科遂以明經老當時如阮芸臺劉  
信芳兩宗師秦小峴朱滄湄李石農三觀察莫不嘆賞其詩文李  
公知之尤深羅之幕中凡讓著必屬商訂陳臬滇南挈之偕行主  
賓相視莫逆雖牛奇章之於樊川范石湖之於放翁不足過也越  
數年睽<sub>之</sub>懷桑梓俶裝東歸偕二三老友徜徉松臺華蓋間旣而渡  
江而北講學吾樂梅溪金鰲兩書院東望雁蕩西攬玉虹而簫臺  
丹霞諸山羅列几案顧而樂之有終焉之志日與門下士把酒賦  
詩悠然自得人或以抱才不遇惜之坦如也先生工書畫善古文

顯於下漏一世字

尤長於詩沉酣古籍擬其精英平生懷人感事牢騷不平之概皆  
於詩發之晚年手寫茶話軒詩文定稿授其壻茂才董福疇福疇  
好學能文其配陳孺人亦讀書知大義相與保守遺編兢兢不敢  
廢墜節衣約食為剝削資雖遘疾彌留時猶以此諄託福疇踰年  
福疇校詩集竟釐為兩卷先授之梓余思才如先生又得知己如  
李公為之延譽宜可以翔步木天和聲以鳴國家之盛而竟至終  
老牖下僅留此數卷遺墨掩閱篋衍中倘無人為之表章更數  
十年蟬蝕鼠穿烟銷塵滅將不可復問矣昔昌黎詩文賴李南紀  
而傳蔡中郎遺書亦由其女文姬誦述以顯於福疇惓惓於婦翁  
遺集雖風鶴訛言未嘗中懈視南紀之從容編輯為尤難而陳孺  
人繫念先集臨沒不忘方之文姬何多讓焉余既喜先生詩之得  
傳又念東甌多文學士其間才如先生而不得知己得知己而終

不遇者往往而有安得為之戚友者畫如福疇之用心蒐訪其著  
述次第刊行俾文人靈竒光怪之氣不至湮沒而不彰此非後死  
者之責耶濡筆及此為之悄然敢以論吾郡之有心文獻者  
咸豐丙辰三月上巳日門生林啟亨拜序於吉亥堂時年八十有  
五

溫如



温州市图书馆

WENZHOU LIBRARY

温州市图书馆


寬陽趙氏重修宗譜序

趙宋藝祖以仁厚開國太宗以下世繼其德公子公孫沐浴聖化  
瓜瓞椒條聯綿蕃衍高宗南渡天家子弟扈駕而至散居東南諸  
郡温州為當時駐蹕之地故宗室倚寓者尤多建炎戊申至咸淳  
甲戌五百十年中科第簪纓志乘不絕書其間舉大魁者二人登  
賢書者一榜凡數十人噫可謂盛矣樂清為溫之支邑山川清淑  
風土淳美游覽者過而樂之太祖太宗裔孫均卜居焉自南平公  
起家於斯其後通儒如明經學之公名臣如閣學德成公方伯彥  
銘公侯齋公循吏如知州汝馭公別駕似川公通判安行公文士  
如舍判叔午公鴻臚士禎公載在志書班班可考五姓望族莫之  
或先邑西寬山之南村曰寬陽趙氏聚族而居已二十餘世先人  
承魏王遺澤能以仁厚世其家雖與縣城諸趙同宗而族屬繁增

各自為譜明以來述有編輯惜其遷居何代佚無可考乾隆庚子  
紀媚公重修繕錄成帙舊藏於其家鼠啣其篋幾遍而譜無恙繼  
藏於從甥侯成家蠹蝕其櫝幾盡而譜又無恙蓋仁厚之家靈爽  
式憑陰為呵護有如此余聞其事曾命子大椿為之記侯成因文  
學士而內行淳篤尤以尊祖敬宗為急忱斯譜之屢瀕於毀且中  
歷數十年修廢舉墜不可更緩商於族眾詢謀僉同其從弟德輿  
尤踊躍從事二三文藝子姪相與督襄越數載副墨告成遂書正  
本屬序於余余年已八旬學殖將落懼無以塞諸君子之請然嘗  
披讀宋史宗室世系表根據趙宗玉牒枝分派別昭穆詳明因歎  
史臣用力之勤為不可及今霓陽一宗實為天潢遠派得有篤行  
績學如侯成者續為新譜則支屬之遷移世次之分析職官選舉  
之先後婚姻廬墓之遠近考訂之無遺憾此其用力之勤豈猶有

未盡者哉抑余更有說焉昔鄉先達侯家四世進士王鳳洲先生  
稱為盛事趙氏自健夫表兄與猶子梯雲從孫駿侯一家三世俱  
以騎射登乙榜其他習文詞嫻弓馬名在庠序者後先相望雖闕  
閱之高未及侯氏要其先世積厚累仁澤流苗裔蓋不問可知矣  
諸君子追念祖宗增修譜牒尤宜敬承遺澤益務仁厚以培根本  
異日子孫必更有掇巍科躋顯秩用光先德者周南之卒章曰麟  
之定振振公姓言仁厚之澤被於宗族也趙氏之先非猶是公姓  
乎家乘所書先人之言行在焉祖宗以仁厚興子孫以仁厚繼則  
斯譜之成固楹書門律之遺意也敞廬去霓陽一里而遠稔知趙  
宗世德衍慶久長謹次鄙言書之簡端以為諸君子勸

浙江會館... 分區... 總分... 浙江會館...



温州市图书馆

WENZHOU LIBRARY

陳春堤先生小傳

先生諱舜咨字咨牧又字雲樹號春堤永嘉人年十六入邑庠試  
輒冠軍聲雋一黌秋試屢不利而文名益盛嘉慶辛酉中拔萃科  
時靜樂李公石農備兵甌括羅致兩郡名士置諸幕下先生實為  
之領袖括人慕其名聘主松川講席甲子李公擢雲南臬使獨携  
先生之任在滇幕三年主賓倡酬歡然相得丙寅李以誑誤戍邊  
先生遂歸晚歲主講梅溪書院樂邑名士多在門下後移席金鰲  
書院一年館象山一年從游者皆極一時之選既而歸老於家徬  
徬山水以終李公於先生有國士之遇故先生自滇旋里瞻懷知己  
之情溢於楮墨及李蒙賜環為蜀方伯先生衰老不能復出李擢  
山左中丞先生已歸道山矣先生博學多能詩賦外尤工書畫自  
云詩第一書次之畫又次之嘗刪東甌詩存別為甌雅十六卷增

訂南雁山志二卷并所著茶話軒詩文集手寫以授塔董福疇開  
 禧又采羣書雋語為牛毛集蠶尾集若干卷郡城某氏尚藏其稿  
 云

*[Faint bleed-through text from the reverse side of the page, including characters like '山', '志', '卷', '并', '著', '茶', '話', '軒', '詩', '文', '集', '手', '寫', '以', '授', '塔', '董', '福', '疇', '開', '禧', '又', '采', '羣', '書', '雋', '語', '為', '牛', '毛', '集', '蠶', '尾', '集', '若', '干', '卷', '郡', '城', '某', '氏', '尚', '藏', '其', '稿', '云']*

溫州市

WENZHOU LIBRARY

寄巖鍊師傳

師本翁垺陳公靜一德松李子少務農年十八忽默然有所感遂請於父母以家產悉讓兩兄辭家居里之雁塔寺越數年從居名山道院三戴院圮於風乃持被至玉虹洞覽其名勝而悅之曰此真吾棲息之所也初欲入釋未祝髮至是乃一意入道玉虹洞為北宋時永邑李真人成道之地靈蹟甚著每歲春秋游人踵相接其為田疇祈報之祀及求福禳者尤眾師冥坐殿後暗室中終日不出遊人罕見其面即豪雋之士慕師名欲一接言論亦不可得嘗有富人攜鉅金畀之修葺觀宇師却之曰余山林逸客耳不能為此也初父母及兄苦勸之歸卒無轉意乃月餽以米蔬日啜薄粥兩甌長齋奉道終身如一日一布袍踰數十年雖甚垢敝但浣補之終不更為跣坐繩牀嘗數月脇不至席其刻苦如此父母

終歸家執喪如常禮。塋後即返洞中。自此足跡不下山矣。幼未讀  
書。粗識文字耳。中年後忽通文義。如聖之易釋之法華道之黃庭  
皆能舉其要旨。豈非心地靜極而悟境自開乎。師之父德松公為  
先君子執友。余每至洞。師輒以通家兄弟禮相見。劇談竟日。娓娓  
不倦。叩以修養之旨。微舉大略。意似不肯詳者。疑其有所秘也。道  
光丙申之春。嘗寄聲故鄉農人。勿種晚禾。聞者莫喻其意。後自秋  
初至冬。不雨百里之內。皆成赤地。近海各村。遂以大無禾。聞始悟  
師言之旨也。八都倪生醇士。朝熙少聰穎。長有文名。然應童試屢  
不售。其姻戚點叩之。師許以已酉歲當入邑庠。果如其言。然則  
師殆前知矣。禮云至誠可以前知。師寂處空山。葆精養神。流行不  
息。宜其心光所發。有以預燭未來事也。己酉九月。感微疾。預備大  
甕。以代棺。招其從子麗泉承全。囑以喪事。勿用世法。至初八日。沐

浴更衣巾端坐龕中而化道臘六十有五合在家之十八年凡壽  
八十有三從子承遺命塋之洞旁立石記之師法名目聲寄巖其  
號也

贊曰維世之人名利滑其心憂樂搖其精師乃棄之如脫髮離  
之如析醒宜其通幽渺而清明吁嗟乎玉甌峯兮嶂嶭白石  
山兮杳冥神之府兮仙之庭師此去兮楫列真清風朗月兮學  
繫乎師之精靈



禮門詩錄

樂清禮門林啟亨撰

長命縷

願將彩縷祝延長  
福祿崇隆萬仞岡  
介壽高如雲外鶴  
繫兒祈識鹿邊麀  
但教結彩添靈瑞  
何事垂絲種海棠

競渡

江上客來弔屈舟  
浪花劃破水晶球  
旌旂影裡屯雲雨  
金鼓聲中起鷺鷗  
疑是蛟龍爭蜃窟  
却如列項戰鴻溝  
錦標奪得休相訝  
氣概于今迥不猶

魚骨鳥

不煩雕琢笑公輸  
巧思裝來鶴樣臞  
舊侶每緣山雉化  
前身合與海鷗俱  
寧憐象鳥飛鳴樂  
却較同群骨格殊  
莫道潛鱗成羽族  
鯤

列當作劉

溟渤首看鵬圖

蕉林聽雨

一拳山石一林蕉  
入耳清聲慰寂寥  
烟銷空齋風浙浙  
夢回孤枕雨潇潇  
閒窻覓句燈初暗  
午夜懷人路正遙  
何異零陵郊外佳  
綠天深處結團瓢

永嘉竹枝詞十二首

風物如林碧海東  
全家終日海雲中  
春來幾樹花如錦  
移傍樓臺映眼紅

元宵金鼓息春農  
燈火街前舞燭龍  
記得一聲簫發處  
河橋日暮好相逢

誰家少婦倚紗窻  
笑指簾前燕子雙  
桑葉未乾老懶調玉笛  
普新腔



男原作兒

玉露泠泠夜色催  
幾家少婦上樓臺  
燈前學就新花樣  
自喜金針

度得來

一年歲月度艱辛  
男女前頭強笑顰  
試問近來生活計  
不堪說與

室中人

鄒魯遺風此共聞  
王朝教澤徧斯文  
蒼生共沐新民化  
願續風詩

上聖君

舟行

沿堤芳草碧籠  
一幅孤蓬兩岸烟  
細雨斜陽歸路近  
蜻蜒飛上

釣魚船

咏烟筒

翠竹精金雅製新  
香爐茗碗好相親  
豈知直節能隨俗  
始信虛心

便可人伴我  
更宜風雪夜  
憐君原是薜蘿身  
有時留得知音話  
噓

氣如蘭山座春

捲簾一縷暗香飄  
月下花前破寂寥  
傲骨依人誰可屈  
熱腸怪爾

有時消行藏不定詩  
兼酒冷暖何常  
暮至朝最是蕭蕭  
風雨夜一

燈相對思無聊

讀放仙維勛胡君詩草寄贈

浪得詩名六十年  
却從井底坐觀天  
八旬潦倒龍鍾叟  
猶幸詞壇

遇放仙

春日舟行

扁舟行過水雲隈  
暖日融和照綠苔  
一陣香風來撲鼻  
前汀知有

菜花開

可憐

窮檐鶉結乞餘餐  
苦受風寒北又南  
自顧重裘時覺冷  
我猶如此

温州市图书馆

WENZHOU LIBRARY

彼何堪

語燕戲作

俗擬燕語云不借你醋不借你盞只借你梁頭作屋住

從來不借醋和盞春暮雙雙入畫簾懶到我家梁上住未知於我

有何嫌

閨詞

珍當作珍

珍重情人計太癡絲毫濡染曉妝時願郎好寫簪花格莫向窻前

巧畫眉

早禾將刈郊行記所見

路南結實已垂頭路北開花尚未稠應似兩家同隊子栽培功力

不相侔

見修葺破瓦感賦

昔時親見此軒房  
賣與鄰家只隔牆  
五十年間三易主  
可知世事本無常

寄岳陽城下

少小風流老更迂  
捫懷愁撚白髭鬚  
羨魚望切空臨水  
待兔心癡笑守株  
大海有風牢把舵  
名山無路許求珠  
閒來檢點平生事  
半是聰明半是愚

立秋日寄友人

金井初飛一葉桐  
守株無用嘆飄蓬  
炎涼到此君須計  
俯仰隨人我未工  
欹枕忽驚高士夢  
開函猶見古人風  
獨嫌鄉里譁囂甚  
且喜衰翁耳漸聾

海棠

庭下清幽種海棠  
清明節過正含芳  
穠纖有雨休疑淚  
嬌艷迎風

不待香莫怪乍晴餘粉態也曾燒燭照紅粧詩人願與花神約莫  
向牆陰喚斷腸  
一枝枝綻晚霞紅繡夢離離倚暖風  
浥露朱顏憑畫檻耐寒紫袖  
近紗籠梅初謝後爭春出桃欲開時有信通誰譜  
仙花品貴群芳取冠賞心同

玉溪書院贈主講董新城先生

由來大器琢磨成豚犬擔簦幸附名無忌何嘗能似舅  
阿戎莫道不如卿譽兒有癖人皆笑貯囊無錢我未驚誰把一經來課子黃  
金蠶滿尚嫌輕

孟夏書懷

已去春光喚不回鬢霜早向鏡中來清閒久築藏書室  
懊惱難尋避債臺問舍求田原俗物貸金質產是奴材  
老妻羸弱偏多病家

計紛紜自笑歎

偶成

繼志年來病未能  
鄉村屬望力難勝  
補瘡剜肉真無術  
舍己芸人似不應  
冷眼相逢偏是火  
熱腸何忍便如冰  
自慚穢線才原短  
坐客偏云眾口稱

浮沉斯世待如何  
坐視年華逐逝波  
守拙自知長技少  
始哀已覺健忘多  
空將白髮悲明鏡  
奈對青燈起睡魔  
最是關心方苦旱  
農夫懸望雨滂沱

兒子宏訓夏日偶成六首盡有興致次韵和之

蟻穴榮華寄大槐  
歡顏宜對酒樽開  
人情變幻雲成陣  
歲序更番浪作堆  
十畝誰存經世志  
一衿原豫濟時材  
科名亦是尋常事  
甕裡醯雞解不來

浙江圖書館藏書

蒼地涼生意，洒然黑雲低。  
壓遠峯巔，狂風拈地搖松蔭。  
驟雨吞山吼瀑泉，學到有成，  
閑福命心能無累。即神仙，  
黃昏東閣，開軒坐，明月當空，  
未肯眠。

枕上口占

覷破紅塵徹底清，局棋端的互輸贏。  
明知有命愁何益，但得無求念轉平。  
與世應酬難免俗，望兒騰達最關情。  
老來自詡吟懷健，差不蹉跎負此生。

讀孟子

戰國顏風逐逝波，生民塗炭枕兵戈。  
孟軻縱是設仁義，其奈天心未轉何。  
老欲匡時道不申也，知天意尚遭屯。  
齊梁廷上非饒舌，只當談經教後人。

寄贈玉澤州來其山館張氏諸昆玉

咸豐辛亥時年八十一

水德靈長毓異流一門三傑重東甌克光先業江天外更表雄風  
海上頭英氣直鞭蛟蜃走豪情欲貫斗牛秋登堂幸得瞻丰采素  
仰芳名信不侔

少偕先德忝同堂閱世門庭比舊光金碧輝煌珠貝闕桂蘭馥郁  
水雲鄉海濤遠挹襟懷壯泮藻先開棟藁芳兄弟先入庠自喜衰年能  
到此群賢隊裡共趨蹌

曾聞小醜逞橫行剽掠商舟孰敢櫻羽黨跳梁窺伺急填麓倡義  
計謀精旂鎗簇擁民心壯砲火飛攻賊膽驚三戰江干狂寇遁綠  
林從此仰威名

親知會葬遠紛然閩嶠温台各一天丹旄飄零山外見白衣絡繹  
嶺頭旋牛眠地獲占餘善馬鬣榮封定有年記取老翁觀禮日八

旬携杖快登筵

我家宅相祀山靈

鄭甥雨亭祀上

諸彦陪行曉岫青八輛筍輿紅葉路幾

椽茅舍白雲局局中秀氣應呈瑞道在華筵曆荐馨幸步後塵雖

已老得觀滄海望鯤溟

遠隔重洋不易從偶來行旅畏風波况聞嘯聚萑苻盜爭奈寬宏

鼠雀窠勇健操舟携武備朋儕批掌羨天和寄言海外三翔鳳往

返平安感荷多

祝南栗然翁五旬壽

栗然之德中壽名以德獲壽著芳聲行年五十膺五福五五數本

天地成衍為翁方起例一五一五連相生經云無量數不盡永

久直與山河盟翁之道養本來裕翁之神氣湛然清心空萬事但


修鸞之蘭玉樹階下盈班衣舞綵五雲繞祥光霽霽滿堂呈秋來

黃英賦綺席不減碧桃仙風迎珠履三千客雲集岡陵山阜祝蒼  
英戎來福觴卜晝夜南飛曲奏南極明天子聞之應獎善煌煌丹  
詔出鳳城

溫州市

WENZHOU LIBRARY





温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

0424